
[Biznews](#) | Objavljeno 17.03.2011. u 12:06

[f Podijeli](#)

Biznews

BBI objavio dokument o otklanjanju prepreka za strana ulaganja u BiH

U okviru priprema za Sarajevo Business Forum, najveću investicijsku konferenciju u regionu, Bosna Bank International (BBI) kao njen glavni organizator, u suradnji sa ekonomskim konsultantom renomiranom turskom kompanijom PGlobal, objavila je dokument pod imenom "Policy coherence: Obstacles to investing in BiH, policy analysis & recommendations".

Riječ je o dokumentu koji ima za cilj da ovdašnjim vlastima olakša put ka otklanjanju prepreka za strana ulaganja.

PGlobal se tokom višemjesečnog istraživanja na cjelokupnoj teritoriji BiH, koristeći sugestije i analize FIPA-e, Svjetske banke, USAID-a, OHR-a, te mnogih drugih referentnih institucija, posebno osvrnuo na investicionu politiku, promjene i stvaranje uvjeta za ulaganja, trgovinsku politiku, politiku tržišta rada, poreznu politiku, politiku pomoći, korporativno upravljanje, regulatorne reforme, politiku konkurentnosti i politiku usklađenosti.

Analizirajući svaki segment ponaosob, u ovom dokumentu ukazano je na glavne prepreke koje stoje na putu većeg ulaska stranih investicija u BiH te su date preporuke za njihovo rješavanje.

Ovaj dokument štampala je BBI u razdoblju između održavanja dva foruma i dostavila ga na sve adrese relevantnih institucija vlasti u državi, na svim njenim nivoima, a kao svoj doprinos stvaranju povoljnije klime za strana ulaganja, saopćeno je iz SBF-a Media Team.



Foto: Reuters

[Preporučiti](#)

[f](#) Budi prvi od svojih prijatelja koji će ovo preporučiti.

(FENA)
